

Broj: UPI-02-23-1-310 /15 F.Š.
Sarajevo, 23.12.2015.godine

Federalno ministarstvo prostornog uređenja Sarajevo rješavajući zahtjev Javne ustanove Institut za urbanizam, građevinarstvo i ekologiju Republike Srpske, iz Banja Luke, za izdavanje ovlaštenja za obavljanje stručnih poslova izrade planskih dokumenata, na osnovu člana 3. i 4. Uredbe o posebnim uslovima koja moraju ispunjavati privredna društva i druga pravna lica da bi se mogla registrovati za obavljanje stručnih poslova izrade planskih dokumenata („Službene novine Federacije BiH“, broj 71/08) i člana 200. Zakona o upravnom postupku („Službene novine Federacije BiH“, broj 2/98 i 48/99), donosi

R J E Š E N J E

1. Daje se ovlaštenje **Javnoj ustanovi Institut za urbanizam, građevinarstvo i ekologiju Republike Srpske, iz Banja Luke, ul. Save Mrkalja br. 16**, sa rokom od pet godina od dana izdavanja istog, za obavljanje stručnih poslova izrade planskih dokumenata:
 - a) Prostornih i urbanističkih planova;
 - b) Detaljnih planskih dokumenata (zoning plan, regulacioni plan i urbanistički projekt);
2. Javna ustanova Institut za urbanizam, građevinarstvo i ekologiju Republike Srpske, iz Banja Luke, je dužna da u roku od 15 dana od dana nastale promjene, zatražiti izmjenu ovlaštenja, ako se naknadno promijene podaci na temelju kojih je ovlaštenje dato,
3. Javna ustanova Institut za urbanizam, građevinarstvo i ekologiju Republike Srpske, iz Banja Luke, može podnijeti zahtjev za produženje ovlaštenja najranije godinu dana a najkasnije dva mjeseca prije isteka roka važenja ovlaštenja.

O b r a z l o ž e n j e

Dana 20.11.2015. godine Federalno ministarstvo prostornog uređenja je zaprimilo zahtjev Javne ustanove Institut za urbanizam, građevinarstvo i ekologiju Republike Srpske, iz Banja Luke, za izdavanje ovlaštenja za obavljanje stručnih poslova izrade planskih dokumenata.

Dana 08.12.2015. godine Federalno ministarstvo prostornog uređenja je zatražilo dopunu zahtjeva sa rokom od 30 dana, u skladu sa članom 3. i 4. Uredbe o posebnim uslovima koja moraju ispunjavati privredna društva i druga pravna lica da bi se mogla registrovati za obavljanje stručnih poslova izrade planskih dokumenata („Službene novine Federacije BiH“, broj 71/08). U ostavljenom roku podnosilac zahtjeva je dopunio zahtjev na način da je dostavio primjerke uplatnica koje se odnose na naknadu za izdavanje ovlaštenja i administrativnu taksu.

Rješavajući zahtjev Javne ustanove Institut za urbanizam, građevinarstvo i ekologiju Republike Srpske, iz Banja Luke, za izdavanje ovlaštenja za obavljanje stručnih poslova izrade planskih dokumenata, Federalno ministarstvo prostornog uređenja je izvršilo uvid u zahtjev podnosioca, te kompletan spis predmeta sa priloženim dokazima te nakon ocjene svakog dokaza pojedinačno i svih dokaza u međusobnoj

uslovljenosti i povezanosti, utvrdilo da Javna ustanova Institut za urbanizam, građevinarstvo i ekologiju Republike Srpske, iz Banja Luke, ispunjava uslove za izdavanje ovlaštenja za obavljanje stručnih poslova izrade planskih dokumenata.

Naime odredbom člana 3. Uredbe o posebnim uslovima koja moraju ispunjavati privredna društva i druga pravna lica da bi se mogla registrovati za obavljanje stručnih poslova izrade planskih dokumenata („Službene novine Federacije BiH“, broj 71/08), propisano je da ovlaštenje za obavljanje stručnih poslova izrade planskih dokumenata, na zahtjev privrednog ili drugog pravnog lica izdaje Federalno ministarstvo prostornog uređenja, ako isti ispunjava uslove u članu 3. Uredbe a koje se odnose na broj uposlenog kadra po strukama, na staž ostvaren u struci, položen stručni ispit te tehničku opremu i računarske programe kojim podnosilac zahtjeva raspolaže.

Kako je podnosilac zahtjeva dostavio ovom Federalnom ministarstvu ovjerenu dokumentaciju o broju uposlenih, ovjerene kopije diploma, ovjerene kopije radnih knjižica, ovjerene kopije uvjerenja o položenom stručnom ispitu, te ostale dokaze propisane članom 4. Uredbe o posebnim uslovima koja moraju ispunjavati privredna društva i druga pravna lica da bi se mogla registrovati za obavljanje stručnih poslova izrade planskih dokumenata („Službene novine Federacije BiH“, broj 71/08), to je donesena odluka da se zahtjevu podnosioca udovolji i izda rješenje kojim se daje ovlaštenje za obavljanje stručnih poslova izrade planskih dokumenata.

Na temelju utvrđenog činjeničnog stanja a u skladu sa članom 26. stav 3. Zakona o prostornom planiranju i korištenju zemljišta („Službene novine Federacije BiH“, broj 2/06 i 72/07, 32/08 i 4/10), članom 3. Uredbe o posebnim uslovima koje moraju ispunjavati privredna društva i druga pravna lica da bi se mogla registrovati za obavljanje stručnih poslova izrade planskih dokumenata („Službene novine Federacije BiH“, broj 71/08), i člana 200. Zakona o upravnom postupku („Službene novine Federacije BiH“, broj 2/98 i 48/99) doneseno je rješenje kao u dispozitivu.

Taksa u iznosu 7,00 KM pada na teret podnosioca zahtjeva u smislu člana 3. i tarifnog broja 55. Zakona o Federalnim upravnim pristojbama i tarifi Federalnih upravnih pristojbi („Službene novine Federacije BiH“, broj 6/98 i 8/00).

Naknada za izdavanje ovlaštenja u iznosu 600, 00 KM pada na teret podnosioca zahtjeva u skladu sa rješenjem Federalnog ministra za prostorno uređenje broj 02-14-3-341/09 od 08.05.2014. godine.

UPUTSTVO O PRAVNOM LIJEKU

Ovo rješenje je konačno u upravnom postupku i protiv njega nije dozvoljena žalba ali se može pokrenuti upravni spor, podnošenjem tužbe nadležnom sudu u roku od 30 dana od njegovog prijema

MINISTAR

Josip Martić

Dostaviti :

1. Javnoj ustanovi Institutu za urbanizam, građevinarstvo i ekologiju Republike Srpske, iz Banja Luke, ul. Save Mrkalja br. 16,
2. Evidenciji,
3. Arhivi x 2.